

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 3329 del 11/11/2025

L intervent che à costà 1,5 milions de euro à dat l met de miorèr la segurezza e la staboltà del viadot

Lurieres seré su aló dal Pont de Peles, la strèda del Fedaa la é endò orida

[Ladino] Se pel endò passèr su la strèda statèla 641 del Jouv de Fedaa, te Fascia, che la é stata serèda dai 15 de setember scin ai 31 de otober, per poder fenir i lurieres aló dal “Pont del Peles”, che à abù mioramenc. De gra al intervent gestì da l’Agenzia provinzièla per la operes publiches, sul viadot l é stat fat n muie de lurieres per l comedèr, l slarièr e l renforzèr. “Chisc gregn lurieres che se cognea fèr i é stac fenii dant de la sajon da d’invern e i à dat l met de miorèr la segurezza e la percacenza de la strèda che colea l jouv de Fedaa e la Marmolèda, col arseguèr l coleament anter Trentin e Venet – à dit l President de la Provinzia autonoma de Trent Maurizio Fugatti. I lurieres fac à fat acioche l pènt l sie più stabol e segur, l stravardan ence dal risech de teremot e da chel de la levines”.

Opera S – 887 – Comedament Pènt del Peles su la SS 641 del Jouv de Fedaa

Coi lurieres fac l é stat mudà fora la sezion zentrèla con una neva de acèl de peton, l é stat fat su n parei de protezion aut 5 metres per stravardèr i auti che passa e l é stat slarià la strèda interna del viadot da 6 a 7 metres. L é stat pervedù ence de de renforzèr duc i pilèstres del pènt, de renforzèr l basament metan ju micropèi.

Projetist e diretor di lurieres: enj. Marco Zanuso

Responsabol del Prozediment: enj. Carlo Benigni

Cost en dut a basa de encant: € 2.033.390,06 spartì su te € 1.585.584,63 per lurieres tout ite i agravies per la segurezza e € 447.805,43 per sumes a la leta per speises no pervedudes e etres agravies.

Firma che fèsc i lurieres ZAMPEDRI LORENZO S.R.L. con senta a Perjen (TN), Frazion Viarach con n rebas perzentuèl del 6,673% per na suma en dut de € 1.484.822,58.

(cdt)